

SALAMO MA LE FAAMAGALOGA



Lesona 10 mo Iuni 6, 2026

“a e afai tatou te
faaali a tatou
agasala, e
faamaoni o ia, ma
le amiotonu e
faamagalo ai a
tatou agasala, ma
faamamā mai ia i
tatou i amioletonu
uma lava.”

(1 Ioane 1:9, SOV)



Faailoa mai e le Tusi Paia “ua agasala tagata uma ma ua le oo I le viiga o le Atua” (Rom. 3:23).

O loo taua mai foi tatou te le mafai ona alo ese mai pe ave ese a tatou agasala (Ier. 13:23; 2:22).

Ae finagalo le Atua e faamagaloga a tatou agasala. E leai se agasala e matuā tele pe matuā leaga e lē finagalo le Atua e faamagaloina (Isaia 1:18).

E na o le tasi le tuutuuga: salamo.



Salamo:

➡ Faatuatua i o le salamo

➡ Salamo moni

➡ Valaau ia salamo



Faamagaloga:

➡ O le alofa tunoa o le faamagaloga

➡ Laei o le faamagaloga



SALAMO



FAATUATUAI I LE SALAMO

"A ua tali atu Iesu, ua faapea atu ia te ia, Mareta e, Mareta e, ua e popole, ma ua pūpū lou loto i mea e tele;" (Luka 10:41 sov)


I le fale o Lasalo, na talanoa ai Iesu i mataupu e taua tele mo le faaolataga. Ae sa le faalogo Mareta. Sa leai sona taimi. Sa tele naua mea e fai! (Luka 10:40-41).



E tupu fo'i lenei mea 'iā i tatou. A tatou agasala, ma vala'auina i tatou e le Agaga Pa'ia 'ia salamo, e fa'atumuina i tatou e Satani i galuega, popolega, po'o so'o se isi lava mea e fa'alavelave ai i tatou mai le mafaufau loloto i lo tatou tulaga agasala ma le sailia o le fa'amagaloga.



Ae e lē fiu le Atua. E tumau pea o la i lana valaau (Ese. 33:11). E faatusaina e la a tatou agasala i ofu eleelea (Isa. 64:6). E ofoina atu e la se sui: o o tatou ofu eleelea mo ona ofu mama (Saka. 3:4), ofu ua fufuluina i le toto o Iesu (Faaa. 7:14).



SALAMO MONI

O le a le salamo? O le ā le eseeseega o le salamo moni ma le faatagā salamo? (2 Kori. 7:10)

A oo mai ni taunuuga vave ma le le manaomia ona o se agasala, e tupu ai le salamo. O se mea e faanoanoa ai aua o le mea na tatou faia e le'i i'u lelei. Ana leai ni taunuuga leaga, semanū tatou te le lagona le faanoanoa mo a tatou amioga. E LE o se salamo moni lenei.

Afai o le mea moni lava ua tatou agasala lea e mafua ai ona tatou faanoanoa, ma maua ai se naunautaiga loloto e faamagaloina (pe na i ai ni taunuuga leaga pe leai), ua tatou feagai ma le salamo moni.

A tatou agasala, e “saeia i tatou” e le Agaga Paia ma “faamanu’alia” i tatou i se lagona loloto o le faanoanoa. Afai tatou te tali atu ma le salamo moni, e faamaloloina i tatou e le Atua, ma faamagaloina a tatou agasala (Hosea 6:1 NIV).



O LE VALA'AU I LE SALAMO

“O lenei, ina salamo ia outou ma outou liliu, ina ia sōloieseā a outou agasala, ina ia oo mai ai o tausaga e filemu ai mai luma o le Alii;” (Galuega 3:19)

Na amata e loane le Papatiso ma Iesu la la’ua galuega i le fe’au lava e tasi: “Salamo” (Mataio 3:1-2; 4:17).

Aiseā e tāua ai le salamo? Auā a aunoa ma lea e leai se faamagaloga o agasala (Galuega 2:38; 3:19). E faapefea ona tupu lenei faagasologa?



Ona o Lona lelei,
ua valaauina ai i
tatou e le Atua ia
salamo
(Rom. 2:4)

Tatou te tali i Lana valaau

Faamagaloina e le
Atua tatou agasala
ona o le toto na
faamaligiina e Iesu
i luga o le satauro
(Kolose 1:13-14)

Faatasi ai ma le
faanoanoa
faamaoni ona o
mea sese ua faia

Faatasi ai ma le
filifiliga
faamaoni e
lafoai le agasala

Ia manatua o le salamo ma le faamagaloga e tatau ona taitai atu ai i tatou i se toe fuataiga; i se suiga o le amio e taitai atu ai i tatou e taofi le agasala (Ioa 5:14).



FAAMAGALOGA



O LE ALOFA TUNOA O LE FAAMAGALOGA

“Ieova e, ona o lou suafa, ia e faamagalo mai ai la'u agasala, auā ua tele lava ia.” (Salamo 25:11)



E leai se mea e faamalosia ai le Atua e faamagalo i tatou. E leai se mea e mafai ona tatou faia e agavaa ai mo lena faamagaloga. E foai mai e le Atua le faamagaloga e ala i le alofa tunoa; e ala i lona alofa e le gata. E faamagalo o la auā e “lelei o la, ma e loto malie e faamagalo, e tele lona alofa” (Salamo 86:5; taga’i i le Esoto 34:6-7).

O lona alofa na taitaiina ai o ia e tuuina atu o ia lava i luga o le satauro, ma totogi ai le aitalafu o le agasala e le mafai ona tatou totogia (Efeso 2:4-5).



A aumaia a tatou agasala i lalo o le satauro, e faasaolotoina i tatou e lesu mai le avega o loo taomia ia i tatou (Epe. 12:1-2)



O LE ALOFA TUNOA O LE FAAMAGALOGA

“Teova e, ona o lou suafa, ia e faamagalo mai ai la'u agasala, auā ua tele lava ia.” (Salamo 25:11)

O le a le fesootaiga i le va o le agasala ma le alofa tunoa?

FESOOTAIGA I LE VA O LE AGASALA MA LE ALOFA TUNOA

Roma 5:8

“ao tatou agasala pea”

“maliu Keriso ma sui o i tatou”

Roma 5:20

“faatele ai le agasala”

“faateleina le alofa tunoa”

Roma 5:21

“malo o le agasala e oo i le oti”

“malo le alofa tunoa...e oo i le ola e faavavau”

Roma 6:23

“o le totogi o le agasala o le oti”

“o le ola e faavavau..foai fua e le Atua”



LAEI O LE FAAMAGALOGA


“Ona fai atu ai lea o ia ia te ia, Sole, pe faapefea ona e ulufale mai iinei ua le ia te oe le ofu o le tausamaaga? Ona le gagana ai lea o ia.” (Mataio 22:12)

O le Ekalesia a le Atua— o ona tagata taitoatasi—ua oofu i le “ie vavae lelei, e mama ma pupula” ma “e leai se ila, po o se pona, po o se tasi mea faapena” (Faaa 19:8; Efe 5:27).

O lenei ie lino lelei o se faailoga lea o “galuega amiotonu a le au paia” (Faaaliga 19:8b). Ae o lenei amiotonu e le o la latou lava ia; ua foaiina mai ia i latou e Keriso (Faaaliga 7:14).

Ina ua agasala Atamu ma Eva, sa la ufiufi lo la lē lavalavā i a la lava galuega. Ae sa la manatu pea ua lē lavalavā i la’ua i luma o le Atua (Kenese 3:7-10). O ofu na saunia e le Atua o se faailoga lea o le “ofu tausamaaga” na foaiina mai e Keriso ia i tatou: o lana amiotonu atoatoa lea e soloiesea ai a tatou agasala (Kenese 3:21; Salamo 51:7-10).

E leai se tasi e alu i le Lagi e aunoa ma lea ofu (Mataio 22:1-14).



“O lē e fia avea ma atalii o le Atua e tatau ona ia talia le upu moni e faapea, o le salamo ma le faamagaloga e tatau ona maua e ala i le togiola a Keriso. Ua mautinoa i lenei mea, e tatau i le tagata agasala ona faia se taumafaiga e tusa ai ma le galuega ua faia mo ia, ma faatasi ai ma le aioi e le faavaivai, e tatau ona ia aioi atu i le nofoālii o le alofa tunoa, ina ia oo mai le mana faafouina o le Atua i lona agaga. E leai se tasi e faamagaloina e Keriso vagana ai ē ua salamo, ae o ē ua Ia faamagaloina, e muamua ona Ia faia ia salamo. Ua atoatoa le sauniuniga ua faia, ma ua tuuina atu le amiotonu e faavavau a Keriso i tagata talitonu uma. O le ofu talaloa taugata ma le mama, ua lalagaina i le ie lalaga o le lagi, ua saunia mo ē ua salamo, ma talitonu.”